

四庫全書

集部

欽定四庫全書

續軒渠集卷四

元 洪希文 撰

五言律詩

詠竹

幽軒多種竹繞徑復依牆月弄三分色風吹一味香空

堦翻籜下隙路引稍長客至休書刺嗔渠踏破蒼

古未有紙

削竹木書姓名曰刺後用紙曰名紙漢禰衡懷刺無所適至於減字又魏文帝賓客百餘人人奏名刺悉書其

郡邑名氏曰爵里刺杜詩嚴
鄭公宅同詠竹風吹細細香

訪道士不遇

翠壁無風到陰晴潤茯苓松關終日掩香火閣黃庭地
僻丹爐在雲深仙洞扃碧桃零落後衣袂帶微馨

洗硯作

小陸筆先焚牀頭破硯存石枯餘墨暈池凍帶冰痕滌
去充魚腹携來就兔園草玄吾豈敢聊復注孤騫

陸雲與兄

機書云君苗能文每見兄丈輒欲焚其筆硯揚雄草
太玄有以自守泊如也騫杜詩風雅霽孤騫肯虛言

切飛
舉貌

題隣居

隣用萬金買情親分所宜隔牆喚拈琰炙燭戲彈碁沈存

中筆談載西京雜記漢元帝為彈碁之戲有譜一卷蓋唐人所為局方一尺中心高如覆盆其顛為小壺四角微起李商隱詩曰玉作彈碁局中心最不平謂其中高也拈琰彈碁皆唐人語也春看兩家柳

白居易與元八卜隣詩明月好朝蒸共甑梨杜詩蒸梨常共甑澆

同渠亦如何陽勒輩拳手為麻池晉載記石勒與李陽隣居爭涇麻池日相毆擊

及貴乃名陽子酣飲引陽臂笑曰孤往日厭卿老拳卿亦飽孤毒手

教兒子鏞讀禮詩

鏞字韶美

敬長尊親道工夫在小兒綱常千載禮章句五言詩講

習終成性周旋自中儀辨香北溪老茅絕請行之

陳淳字安

卿清潭人晦菴朱先生之上足號北溪漢叔孫通願徵魯諸生共起朝儀於是徵魯諸生三十人西及上左右為學者與其弟子百餘人為茅絕野外註以茅剪植地為纂位尊卑序春秋傳曰置茅絕

仙邑館所書事

桑麻繁以長繞舍翠沈沈茶臼疎林隔書帷陋巷深山禽語客況風樹助予吟牧豎來呼犢足然空谷音

謁華嚴毒海上人

出城奚所適正值雨華時毒海老尊宿名山佳住持寺

幽藏碧巘池暖動春澌為謝韓知客通名只用詩

劉魯風往

江西投所知為謁者所阻作詩云萬卷書生劉魯煙
波十里謁文翁無錢乞與韓知客名紙生毛不為通

曉行途中書事

冥發昧所適東西覺惘然門敲村店酒鐘落客津船猿
叫荒山月雞號墟里煙回思在家日日晏尚高眠

讀杜拾遺老瓦盆戲作

此翁坦率性長享甕頭春觴客終頽玉

晉嵇康字叔夜山濤言叔夜為

人巖巖若孤松之獨立其醉也若玉山之將頽然

傾人懶注銀干戈塵世淚風

月草堂身賴爾有蘇李情親不厭貧

杜詩春復加病肺此病蓋有因早歲

與蘇李痛飲情相親

薄薄酒

黍釀固宜薄情親意已多勸酬終不醉耕種豈徒勞交
淡元無味顏衰賴爾酤明年廢東作茶碗看雲濤

石屏

磨琢雖云至寧非造化工飛峯橫筆架立石峭屏風遠
近青未了陰霾景不同仙源如可問我欲隱其中

竹間鶴

愛竹已成癖新添鶴有情霜毛仁者壽風韻聖之清乞
母移來種將雛養得成歲寒三益友須着我同行

立秋

暑退火西流炎雲宿靄收亭臯纔落葉天下已知秋律
氣隨杓改蛩聲傍枕啾短檠時節到時事迫人遒

玉延

俗名
山藥

着價羞蘋芋充飢勝粥饘切泥姑少試餐玉竟誰傳
踏掌難為饌醍醐不直錢雪晴扶短鑣結伴過山前

觀海門

觀海難為水斯言亦肯哉華嵩同培嶺河漢等涓埃
官哨時旁午

史冠蓋旁午
旁午縱橫也

吳鹽日往來何曾瞻蜃氣重疊

起樓臺

禮記雖入水化為屋前
漢海旁蜃氣象樓臺

獨立

雨後衡門立郊垌晚氣清鴨頭流水淨魚尾斷霞頰並
舍開新釀平疇餉晚耕微吟扶柳栗信步自閑行

自述二首

擾擾百年內胡為勞此生酒因愁少進書為懶無成行
篤群疑息心清百慮輕篇詩聊自述亦可發幽情

自述亦自笑可嗟還可憐文窮緣智困道進為心堅歲
月驚童穉雲山奪事權此身無滯礙對酒即超然

信紫雲任建寧叅軍終制抵莆莆民思其父有

遺愛焉其父即中隱公也

舊勞曾汗馬

牧附江南

子復仕王廷出處參周易

能明易

操修

一孝經逢人心自白知己眼終青

晉阮籍字嗣宗不知禮數能青白眼見但

俗之士以白眼待之母終嵇喜來弔籍作白眼喜不懌而退喜弟康聞之齋酒挾琴造焉籍大悅乃作青眼由

是士皆疾之

大義明終始遲遲正妙齡

連日雨不止

千床渾濕透簷溜更無端馬鬣一滴誤魚頭萬國寒老

天緣底泣后土幾時乾悶聽應酣睡瀟瀟到夜闌

少睡

少睡多宵坐占星看碧虛病根常檢點客氣久消除清
有焚香癖臞因服藥疎眼前書未讀肘後看方書

葛洪抄肘

後方
四卷

一室

雅有巢山癖誅茅葺數椽左圖右閱史春誦夏鳴絃涉
晚紉蘭佩臨流枕石眠何須學辟穀且作地行仙

郊行

天亦自多事一春勞應訓哺雛銜雨燕喚婦出林鳩有
累俱關抱無生始斷愁忽逢林下士羞默但低頭

禁馬

古人重馬政遺法著姬公羈勒豈徒設舟車有不通負

乘時所忌

負且乘致寇至

得失理難窮

塞翁失馬未必非禍塞翁得馬未必非禍

前

輩騎牛好吾將立下風

贈相士

術乃法之巧求諸相益知脈觀成子情珮識獻公離

並左

傳
指背吾無取論心世有誰君看非相說未免半醇疵
揚子有
非相篇

自省

孔孟日杲杲吾徒甘晦沈每於供給際常有愧慚心人
物有賢否山川無古今自憐居爨下疇昔荷知音

龍華上人餽白粲

報道龍華老驅車入市回如何迫歲出端為餽年來香
鉢停留供朱門迤邐開也應憐范叔莫遣甑生埃

椰子冠

團團椰子實解剥付冠師體製羞龜殼文章笑鹿皮色
頰猶帶酒腹小尚能詩欲着東坡帽簷低不入時

冠居衆形上吾獨取椰為陶令巾漉酒

陶淵明嘗製漉酒巾漉酒畢又

之山翁着接籬

晉山簡鎮襄陽優游歲月惟酒是耽諸習氏荆土豪族有佳園池簡出遊多之

池上置酒輒醉名曰高陽池兒童歌曰山翁出何許往至高陽池日夕倒載歸酩酊無所知時時能騎馬倒着

白接籬舉鞭問葛強何如并州兒強家在并州簡之愛將也

堅渾羞抹膝踈曠笑穿

絲寄語資章甫今時彼一時

宋人資章甫而適越越人斷髮文身無所用之

鐵拄杖

僊偶同枯枿流傳多閱人鑄成一枝杖伴我百年身觸

石奔星火行冰碎玉璘赤藤尤可貴色裏若為珍韓杖赤

歌幾重色裏自題署
不以珍怪誇荒夷

五字吟

李陵蘇武俱為侍中武使匈奴明年陵敗陵降武歸漢陵置酒作詩為別則五

言詩自陵始也其一曰仰視浮雲馳奄忽互相踰長當何之其一曰仰視浮雲馳奄忽互相踰長當

從此別且復立斯須又曰征夫懷遠路遊子悲故鄉寒冬十二月晨起踐凝霜武詩云黃

鵲一遠舉千里顧徘徊胡馬失其群思心常依依世傳云五字詩自武始也武使匈奴在

匈奴中十九年
後竟得歸漢

雅頌久不作詩壇一例荒孰云城小小能出陣堂堂高
步闕如漆離居鬢已霜李陵非雅士安敢擅河梁

穫稻

雲散水微茫千畦萬隴黃罄腰勞日少鼓腹樂時長處
處聞雞犬家家足稻粱太平本無象新釀甕頭香

秋後扇

齊紈裁暑扇倏忽動清商歲月老將至巾箱舍則藏時

光豈衰歇世態苦炎涼年少不長好為言姬與姜

社日

春秋分
戊日

九扈不廢職勾龍誠有功業居四民次祀列百王中泰

稷祈秋實羔豚樂歲豐豈徒臣朔飽歸遺細君同

置少農

官以鳥名官春扈鵠鵠趣民耕種夏扈竊玄趣民耘除
秋扈竊藍趣民收歛冬扈竊黃趣民蓋藏棘扈竊丹掌

人百巢行扈惜惜畫民駢鳥宵扈噴噴夜民駢獸桑扈
竊脂趣民養蠶老扈鵠鵠趣民收麥是為九農正漢

武帝詔從官肉大官丞日晏不來東方朔曰伏日當早
歸請受賜遂拔劍剖肉歸去上令自責朔曰受賜不待

詔何無禮也拔劍剖肉抑何壯也剖之不多又何廉也
歸遺細君又何仁也上笑曰令自責反自譽復賜酒肉

遺細
君

覽鏡戲作

塗抹東西徧床頭膏沐香恐為嗔老物

老物不足惜

不敢近

新粧翻覆百年態淒涼數寸光道心無老少顚悴亦何傷

述近懷呈諸庚老

與君同甲子霜鬢白於銀朋舊歸新鬼乾坤信老身干戈猶未替盤瓊幸相親句法如江鮑如何求得貧

林巡檢景惠以閑散職官俾提封闕

門新城

詩以道意

杜集有提封之作有時微俊又莫慮犬羊侵之句

堯仁天廣大涵育最為深仗義趨王事成城賴衆心氛

祆如覆水俊又豈懷金老眼看三箭天山報捷音

唐書薛仁

貴為鐵勒道行軍總管九姓衆十餘萬令驍騎挑戰仁貴發三矢輒殺三人軍中歌曰將軍三箭定天山壯士

長歌入漢闕九姓遂裏

對悶書事

時危百憂集老退一身輕鼓角聲悲壯城池勢險傾析

繁嚴守備傳遽急行程周官行夫掌傳遽起看天河色
何當見太平

送侯參軍公讓秩滿歸

三年江漢水潔白不緇塵糾群紀綱正

杜送韋諷上閩州錄事操持紀

綱地注錄事者一州之紀綱也
送馮著作任廣州錄事韋蘇州
繩墨不易持是也

親民條件新

與人同此誦檐子不妨貧識取至公論官中竟一人

上元日居城南書事

城南讀書地杖履往來通菽水初心遂

禮記子路曰傷哉貧也生無以

為養死無以為禮子曰糟糠晚節同役車行業業詩采

車既駕四牡業業豈敢定眠鼓聽逢逢韓詩不踴晚鼓

居一月三捷業壯盛也

眠鼓聽逢逢

朝安眠聽逢逢

踰七又望八癡頑笑此翁

郡倅敬齋公乃嗣自江西省奉檄便道省親小

詩奉謁

郎君拜家慶捧檄綵衣榮別駕行寬惠同寮服老成珠
瑰迷重寶蘭茝襲芳名此去扶搖便冲天九萬程

癸巳新春作

盜賊生涯因回頭盡戰塵春來長是病老去不如人屋
小香常集杯深酒尚醇何時洗兵甲同作太平民

七十四吟

視遠茫無見言咤聽不聞病於老偏厚眠向坐中分俯
仰皆為累披吟不廢勤偶逢強健日淨几一爐熏

白居易詩

病與樂天為老伴
惟有病相尋空齋為老伴

坡詩

暖足婆

寒冬夜無寐輾轉漏聲長只熱一瓴水能銷萬瓦霜溫

柔聊自適趨附固其常更有孟光在高年不下堂

寄潘茂

別後聽鳴鶻君曾有宿期如何三閱月不寄一聯詩
獨立海山對相思沙鳥知端能乘興否一葦諒非遲

壬寅元日

老天何省事元日又逢春盤飮青蒿細盃浮綠醕新兒
孫長滿眼天地一閒身誌喜有新作猶疑筆有神

五言排律

雪轍上人過訪

諸山尊德望三會老禪宗倚席聞玄論抽筵發鉅鐘
憩松經露滴坐石履雲封山好遮來路塵牽絕往蹤
懸車留雪澗築室傍梅峯高士幽禪著僧伽太白逢平生能

事足奇遇素心從二氏相為用如聆空谷足

韓讀墨孔子必用墨

子墨子必用孔子不相用不足以為孔墨

輓仙邑陳小山先輩

吾慕小山翁仙溪一鉅公奉親嚴髓滌焚券恤貧窮韓

鄂相輝日閨門正始風彼徂岐可路不霽水何虹嚴氏詩集

作彼徂矣為句千首牛腰重三封馬鬣崇鄉鄰盡焦土絕岐有夷之行

竝立負羈宮

邑廬盡為焚毀後亦為賊所焚

續軒渠集卷四

欽定四庫全書

續軒渠集卷五

元 洪希文 撰

七言律詩上

題學士趙子昂近帖

天馬騰驤金裊蹠

漢書禮樂志有天馬下漢武帝鑄金作馬蹠狀謂之金裊

赤刀揮

霍玉如泥詞頭已逼蘇內翰紙背欠題王會稽

康定間富韓公

為知制誥封還詞頭繳詞頭富公始

柳子厚集有殷賢寄劉連州二首其下註云家有右軍書每紙背庾翼

題云王會
楷六帖

墨帖楷書卑石鶴錦囊珍玩甚珠犀嗟予舊

好應成癖過眼空憐五色迷

唐李程試日五色賦先榜已落矣初出試場楊於陵

遇程詢其所試程示之破題云德動天鑒祥開日華於陵覽之謂程曰公今日須作狀元

書呂洞賓畫像

劍飛岳鄂過蒼梧風骨昂藏美丈夫閑揖九陽供吐納

飽餐六氣事噓呼

莊子刻意吹呬呼吸吐故納新熊經鳥伸此道引之士養形之人彭祖壽

考之所好春食朝霞日始出赤黃氣夏食正陽南方日中氣秋食淪陰日沒後赤黃氣冬食沆瀣北方夜半氣

并天地玄黃是為六氣見揚子明經

當年得遂金閨籍

謝眺出尚書省既通金閨籍金馬門

也今日誰看野服圖笑引天風毛髮動可能隨我朗吟

無於揚州石塔自畫
像吹之毛髮盡動

春夜對花月

璧月瓊枝鬪好懷

陳后主與諸貴人同狎客賦詩其畧云璧月夜夜滿瓊枝朝朝新互相誇

張貴嬪客色之麗云爾

攀花邀月下瑤臺娟娟夜色穿簾入冉冉

天香撲袖來

李正封牡丹國色朝酣酒天香夜染衣之句

細酌微吟身自在

行歌起舞影徘徊幸然等是無情物若是多情便可猜

惜花

陽艷亭臺手自栽精神擡舉待春回朝來不忍獨倚樹
雨過那堪都委苔時不貸人如轉燭事多敗意且啣杯
從來四美難并具雲合佳人殊未來

江淹雜擬三十首有湯休上人詩云

西北秋風至楚客思悠哉
日暮碧雲合佳人殊未來

東牕小酌

烏馭西沈兔魄升泰山失勢已如冰百年略似夢長短
一醉誰知時廢興與俗不諧塵世狹出門大笑暮江橫
從前壯氣銷磨盡浩浩凌雲賦尚能

司馬相如奏大人賦武帝大悅飄飄

然有凌雲氣遊天地
之間又登高能賦

觀夏耘偶成

苗穉纔聞鷓鴣呼

古詩五月聞鷓鴣
苗穉憂草茂

東阡南畝盡農夫非

其種者鋤而去毋使蔓焉難以圖

劉章忿劉氏不得職
常入侍高后燕進

歌舞曰請為太后耕田太后曰若生而為王子安知田
乎章曰深耕概種立苗欲疎非其種者鋤而去之太后

為之默然

左傳蔓草猶
不可除況君之寵弟乎

滴滴盡沾禾下土

古詩鋤禾
當日午汗

滴禾下土安知盤
中飧粒粒皆辛苦穰穰行載斛中珠作勞歸舍呼閭里

晉書載石勒在田中每聞鞞鐸之聲
歸告其母曰作勞耳鳴非不祥徵也共坐牛衣酒一壺

前漢王章字仲卿疾病卧無被在牛衣之中與妻訣泣
妻呵怒之云云後為京兆尹欲上封事妻止之云卿獨
不念牛衣
中泣乎

客中遇寒食 三首

極目雲飛落照邊
北邱松栢久無煙
麥餠偶爾思遺俗
菽水時來記往年

禮記啜菽飲水盡其歡斯之謂孝

宿業正愁懣帶鳥

歸心生怕血啼鵲
伯倫曠達稱賢士
身後何曾到九泉
長到清明寒食時
客懷如夢復如癡
庭空月淡梨花少
爨冷煙寒麥飯遲
阻隔家山常入夢
挨排節物可無詩

暮年自是難為別，非為棲身近子規。

桑柘村村已禁煙。

周官司烜氏仲春以大鐸巡火禁于國中為季春將出火也後以介子推

焚死至時一月不爨東漢周舉為太原守乃始變其俗三日而止

蕭條井邑傍山前了。

無詩酒空三月如此時光，又一年對景驚花如寄耳。見人兒女倍潛然，業儒不及為農好。麥已登場蠶又眠。

予株守書室，不覺有連日陰雨之悶。一日移坐

晴簷，聞行者有快哉晴之語，追味其言作詩誌

之。

一雨多時氣積嵐今朝紅日照酣酣
鉞腰四野農登麥
盆手千家女煮蠶流水繞村澄似練
遠山排闥碧於藍
此生漫不知蠶織坐竊陳編得少慚

僧房借榻

方外來叅兜率天掃除習氣道心堅
任渠浮世千年兆
史人無百年期強作千年兆
鑄鐵作門限鬼見拍掌笑
借我空門一榻眠未晤至

人存法樂且容高士着幽禪吟成一笑客
歸去又結浮生半日緣

老境

五十光陰疾轉車
秋風落木客思家
皮皴腰痛腳無力
齒豁頭童眼有花
樗木散材多壽考
寸田尺宅足生涯

老彭八百成何事
謾跨商周閱歲華

黃庭經寸田尺宅可理生蓋道家以

丹田為寸田面為尺宅臍下三寸為丹田樗散無用之木故得終其天年世本云彭祖在商為守藏史在周為柱下史年八百歲

書家藏蘭譜後

華不紛披葉不塵
幽貞閒淡出天成
似凡非俗同標致

入品分流別姓名南欲迎薰西避照晚常漑膩蚤澆清
傳君祕訣君牢記更取吾言質屈平

壽峯翫月

素娥准勅六丁擎

丁卯神司馬卿丁丑神趙子玉丁亥神張文通丁酉神臧文公丁未神石

叔通丁巳神崔石卿是之謂六丁者

下照塵寰似水晶河漢無雲天萬里

溪山不夜月三更

齊地記曰齊有不夜城蓋古者有日夜中照於東境故萊子立此城以不

夜為名

杜詩無風雲出塞不夜月臨關蓋不夜者月明如畫也

蓬萊弱水何曾隔

蓬萊

有弱水之隔一羽亦沈惟飛可到

玉宇瓊樓無此明今夜壽峯峯絕頂

與君端坐細推評

夜月有客送酒

馬軍持送走還僵

杜甫謝嚴中丞送乳酒詩云鳴鞭走送頗漁父洗琰開嘗對馬軍剥

琢先聞麴米香遮莫清風乾石髓

嵇康遇王烈共入山烈嘗石髓如飴即自

服半餘半與嵇康凝而為石烈歎曰叔夜志趣非常而不遇命也

為招明月酌瓊漿故

人懽伯情千里玉女天公笑幾場歌罷短衣仍獨速道家

有言散花玉女侍香金童神異傳玉女投壺天為之笑則電故謂之笑電李白短歌行天公見玉女大笑億

千場孟郊送淡公詩其一曰銅斗飲江酒手拍銅斗歌儂是拍浪兒飲則拜浪婆脚踏水船頭獨速舞短蓑

笑伊漁陽搯空持文章多
閒倚青竹竿白日奈我何
三人對影未渠央

立春偶成 戊午

玉燭光輝萬象豪
寬征幸不及吾曹
鬢邊綵燕人情熟

眼底土牛年紀高
軟餅繭衣行白麥

杜詩涼州多白麥
注自河渭以西白

麥類涼春種夏收
閏二時之氣故也

生絲縹線飢青蒿
明年對此仍强健
莫

向樽前歎二毛

左傳不擒二毛謂黑白相半
潘安仁秋興賦予年四十始見二毛

雨不絕

四月黃梅正熟時
霏霏江雨密如絲
空堦如語互相答

倦枕有聞寧不思家樂成韶真迭奏渚涯牛馬竟誰知
淒涼情況如何度擁被微吟工部詩

杜有雨不絕之作

七夕

天上佳期樂未央河東帝子嬋牛郎登車閃爍雲旗動
開帳熒煌玉燭光此夜金針穿巧線明朝玉珮促行裝
經星不動誰當辨或脫朦朧恐未詳

秋聲

悚聽西南底不平觸於金石碎鏦錚氣回海島波濤勢

令壓邊庭人馬聲膽薄生憎牕紙擘夢迴錯被枕稜驚
壯懷何事銷磨盡宋玉中年白髮生

穀城余航邊老人有能詩聲於僕初未有平生
之懽客嘗於予誦其一聯半句膾炙人口客又
誦僕近作以示余余遂賞音為忘年交

怪怪奇奇誦數聯問誰所作是航邊世無賀監誰知白
後有揚雄必愛元

揚雄注太元曰後五百年有子雲出必愛吾太元矣

雪犬倉皇

從未俗雲龍追逐付前緣

韓詩我願身為雲東野身為龍四方上下逐東野雖有離

別無由逢韓文越犬吠雲蜀犬吠日雲日豈有過哉顧吠者犬耳老天若借推敲便賈

初應舉在京師驢上得句云鳥宿池中樹僧敲月下門始欲作推字又欲作敲字鍊之未定吟哦引手作推敲

勢愈時權京兆島銜出左右擁至島具對所得句韓立馬良久曰敲字佳遂並轡而歸後不第為僧居法乾寺

號無本載劉島錫嘉話云細叩吾翁肘後傳葛洪手抄金匱藥方百

長明燈

傳燈佛以一傳為一燈喻法如燈燈相續也燈謂能破暗

沈沈古殿寂無聞破暗長明伴世尊日月猶知分晝夜

雨風終不廢晨昏傳從佛國初來祖照見人生幾世孫

底似靈臺光一點千灰萬劫鎮長存

黃庭章云靈臺盤固永不衰心為靈

臺有神
靈居之

水車

機事能移造化權車聲軋軋響前川捲空龍骨層層浪
活盡龜紋處處田塹板擲泥祗自苦桔槔鯁石笑空懸
青裾想是阿香女直欲乘之飛上天

書齋獨坐

起看庭槐影屢移攤書獨坐已移時文章起伏香分篆
議論和同酒一卮貫蟲工深知學進屠龍技巧與心期

千流萬派徒紛爾喫緊源頭要自知

蒲萄

走架龍鬚弱不支炎天待月立多時醍醐縱美輸清滑
瓔珞雖圓讓陸離珍異曾誇太冲賦纍垂已入退之詩

當年若得傳方法博取涼州亦一奇

前漢大宛以蒲萄為酒富人藏酒至

萬餘石又唐書破高昌取蒲萄實於園中種之并得其酒法上自損益凡有八色孟佗字伯郎中常侍張讓

專權用事佗以蒲萄酒一斛遺讓為涼州刺史

野花

浩蕩韶光沒塊垠，不曾培植自敷榮。
青春綽約誰為主，紅粉娉婷不識名。
張易之出塞行，腰裏青絲騎娉婷，紅粉粧。
麗質似嫌鵝髻，汚暗香空使蝶魂驚。
君看傾國傾城者，豈盡名門閥閱生。

櫻桃

止渴青梅酸齒頰，帶香盧橘剥皮膚。
鮮明綴樹溥甘露，的皪傾盤瀉寶珠。
穉子輕拈愁欲碎，佳人未嚼已先無。
情知苦笋非佳伴，勑斷庖人莫入厨。
唐三月宰相有櫻笋厨。

贈畫史林心鑒寫照

龍章鳳姿下雲霄，纖弱羽驚飛沈神之所至。妙為物面有不同，宜鑒心世固期君於絕品。誰當借我以全林

明春閱歷還添閨，整理行囊剩着金。

李詠詩上林如許樹不借一枝棲答

云朕當以全林付卿

張翰

昨夜西風忽憶吳，郵亭長短想歸途。倦遊戢翼先翔鴈，歸興駕言非為鱸。時有未然當勇退，形焉何苦為名拘。

陶靖節詩誰謂
跡拘

故園且慰平生意更盡生前未盡壺

仙邑館所歸溪行書觸目

杏花深處酒堪賒來訪漁翁溪友家
短塹插籬防鹿豕

小舟牽網截魚蝦鄉村畜牧連荒野

漢光帝元光二年匈奴將十萬騎入

武州塞見畜布野而無人牧者怪之乃引兵而退

墟落人煙閣淺沙自是昇平

生聚久女郎共唱後庭花

後庭花陳後主所作女學士袁大捨等與後主賓客貴妃

遊賞賦詩其曲有玉樹後庭花臨春樂等章其畧云璧月夜夜滿瓊枝朝朝新之句

讀秦隱士黃石公素書有原始正道求人之志

本德宗道遵義安禮六篇有秘戒不傳於不道
不神不聖不賢之人大抵不離於七國縱橫餘

習非得於聖賢修齊治平之學

辛未館仙
邑傳家作

識者當觀取履初此翁知過萬人餘英雄自合傳青史
經濟非由授素書大道聖賢無隱爾七篇仁義果何如

坑焚若為防遺患可笑秦王計也疎

晉亂盜發子房墓
於玉枕中得之凡

一千三百三十六言有陰計外泄者敗小怨不赦大怨
必生決策於不仁者險設變致權所以解結吉莫吉於
知足絕嗜禁欲所以除累與覆車同軌者傾與亡國同
事者滅等語要之不失為說客之雄特所遇之時然耳

傅氏招入館既至翼早於牕壁間覩宋咸淳丁卯榜帖兩翁芳躅煥然如目前事追慕久之因

漫書四韻

辛未歲

挾冊升沈五十春及門雖晚此情親韓歐榜帖家聲舊

唐歐陽詹蒲義井人字行周舉進士與韓愈李絳崔羣王淮馮宿庾承宣聯第時稱龍虎榜云孔孟詩

書教思新筆硯不靈慚末學箕裘克紹異凡人兩翁地下英靈在尚爾流芳壁上塵

春半採花

芳菲着雨便成苔，問訊東君幾日回。
閨月不曾花下去，今朝偶到樹邊來。
幾何間濶鶯偏老，如此生疎蝶也猜。
流水時光容易過，舉頭枝上已青梅。

海棠

沈立海棠記嘉州海棠有色而香

花品從來說海棠，風流格調賽群芳。
淵材有恨空沙魘，四掌驚不重裙。
海棠無香，鰭魚多骨。子美無言為發

揚

杜詩無海棠或云杜母幼名海棠諱之

雨透臙脂添薄媚，風搖銀燭減

輝光。妙年若許寒梅聘，世上應誇兩洞房。

洪适盤洲海棠詩云自憐

生較晚不
得聘寒梅

教小兒書

懶誦吾伊教小童之無百指奈無功

白居易生七月母教以之無字百試

不晴蛙閣閣鳴枯澤春鳥啞啞轉碧叢杖杜荒疎誠可

笑

唐李杜甫傳林甫不識杖杜字謂韋涉曰此云杖杜何也涉俛首不敢言

楞嚴艱澁幾時

通安知來者非今日刮眼毋輕吳下蒙

吳呂蒙孫權謂蒙學問以自開

並後魯肅過蒙拊蒙背云吾謂大弟但有武畧耳今學識英博非復吳下阿蒙曰士別三日當刮目相待

題仙遊縣酒家樓

當時曾醉美人家簾幙春風響琵琶

洪容齋隨筆載白樂天以琵琶作入

聲四絃不似琵琶聲亂寫真珠細撼鈴朱褒有絕句云昨日施僧裙帶上斷腸猶帶琵琶絃是也東野

已仙閒日月

唐絕句云孟郊死葬北邙山日月星辰頓覺閒

子陵高卧困龍蛇

狂歌莫管唾壺缺

世說王敦每醉後以鐵如意敲唾壺歌曰老驥伏櫪志在千里烈士暮年

壯心不已歌闕而唾壺半缺矣

草檄從教楯墨斜短箭南山曾射鹿可

憐鬢髮已鬢髽

風流想像太和樓雄跨依稀第一州鳳去不來梧竹老

芝焚未改澗潭秋

抱朴子曰慮巫山之失火恐芝艾之併焚柳子厚獻宏農楊憑詩木刺

終難對芝
焚未改芳
曾驚飯顆少陵瘦
豈為周南太史留
唐杜甫傳李白

於甫有飯山之嘲
白集有戲杜甫詩
飯顆山頭逢杜甫
頭戴笠子曰卓午
借問緣何太瘦
生只為年來作詩苦

司馬遷傳言武帝建漢家之封
而太史留滯周南不得與從事
出畫居夷從來有後

人何用蹈軻丘

傳西疇謁學稼乃翁墳招預席

學稼與先君同鄉舉丁卯歲榜

首王衡
字正平

平生欠識魯山元

元德秀字紫芝為魯山令蘇源明謂人曰吾不幸生衰俗所不耻者識元

紫芝坡詩恨君不識顏
平原恨我不識元魯山
幸及蟆陵與執幡
西京記膠西相董仲舒墳

在長安人為致敬過者必下馬後人記訛為蝦蟆陵
崇非是左傳成公十三年劉子曰祀有執膳我有受服
土豈能埋此老餘波尚可及諸孫

左傳其波及晉國者皆君之餘也

薛

任安敢同爵齒

左傳薛不與諸任齒

管鮑從知宿好存

管仲鮑叔牙二人為

友此飲與君須盡器可人春夢了無痕

何諷渴賦飲不盡器

菜羹

雨後過畦嫩甲長士夫此味未能忘筠籠采擷朝脯供
土銚烹熬雨露香鹽豉勻調仍點酪香粳細搗旋加薑
老饕賦好人爭誦喚醒歐生為洗狂

朱陳村嫁娶圖

舊藏朱陳嫁娶二圖絹素甚古上世寶之或以
為近世名史所摹亦未可必近為有力者所取
不能自保因以韓退之畫記所云自釋故併錄
之

終老鄉關鬢似銀賢哉惟有古豐民一時桃李隨煙滅
千載丹青絕世珍餞席樽罍風近古侯庭冠蓋禮如新
雖然未得韓公記已學唐人帶入閩

古誼于今尚有無摩挲老眼重嗟吁千年顧陸丹青手

兩姓朱陳嫁娶圖要使丁壬傳水火

丁火也離為火為中女坎為水為中

男丁火也壬水也言女之丁者為婦於壬猶今之陰陽家云丁與壬合之說

不將門戶嫁崔

盧料應合豔皆瓜葛抵掌樽前笑老奴

禮婚義壻揖婦入共牢而食合

豔而醕所以合體同尊卑以親之也音閭謹按世說晉溫嶠姑有女覓壻嶠自有婚意答曰佳壻難得如嶠如何姑曰何敢希汝比也後日報姑云已得婿矣門地婿身不減嶠因下玉鏡臺一枚姑大喜既交婚禮畢姑女搖紗扇抵掌大笑曰我固疑為老奴今果如此卜

山行傷足

館壽峯方氏作

尼父奔車豈復升

劉向說苑奔車之上無伯夷仲尼覆舟之下無伯夷長裾佩玉想

儀刑封侯縱不能三甲

背無三甲不能封侯載道如何可半丁符堅

陷襄陽聞習鑿齒釋道安名與而致之習鑿齒以寒疾與諸鎮書曰昔晉氏平吳所利在於二陸今漢獲士才

一人有半耳

跛驚行行遭笑侮鳴禽句句欠叮嚀毆之罟擯

不知避蠢蠢胡為萬物靈

行不得哥哥

題靈巖廣化寺

始則鄭氏書室後創寺

招客東西宰堵波出城五里鬱我我遊人爭逐蟻九曲

衲子分屯蜂一窠佳句不隨飛鳥盡名山可想屬僧多

前修舊日讀書地肯着吟翁坐具麼

小說九曲寶珠穿之不得問之孔子

孔子教以脂塗於線使蟻通焉

廢宅有感

炎隆滅絕理之常

解嘲炎炎者滅隆隆者絕

對此毋庸重感傷亦有

高明瞰其室

高明之家鬼瞰其室

似無形氣嘯於梁

韓原

一朝富

貴浮雲散千載英雄宰木蒼

公羊傳秦伯怒蹇叔曰若爾之年宰上之木拱矣注

宰塚也

後世何曾聚廬處

賈山至言使其後世曾不得聚廬而托處焉

阿房五

里麗咸陽

史記秦始皇營朝宮渭南上林苑中先作前殿阿房東西五百步南北五十丈上可坐萬

人下可建五丈旗以
其作宮阿房故名

守歲一首 後至元

掃退陰凝萬瓦霜
儒家守歲但如常
沈香已帶寅前氣

臘酒初聞子後香

白樂天詩誰道使君不解歌唱徹黃
雞與白日黃雞催曉丑時鳴白日催

年酉時沒亦祖韓退之和席八庭變
寒前草天銷雪後塵之句意亦自佳凍雪驚春先爆竹

祥雲夾日上扶桑
熙熙民物皆生意
天建皇疇福萬方

題清潭酒家樓

平生汗漫子長遊
天地無私亦白頭
出曠初來皆有數

明真性外始無愁山川竟掩百年夢烏兔何曾兩處囚

信美終然匪吾土寒鷗飛去水悠悠

王粲登樓賦雖信美而非吾土兮何

足以銷憂

水漲

溪流漱漱碧粼粼失却孤舟野渡橫萬頃銀山崖谷裂

千堆雪屋路橋平眎眸不辨墨塵馬

莊子秋水兩涘渚崖之間不辨牛馬

望洋向若而歎

跋扈爭看赤尾鯨彩羽鴛鴦亦零落風流莫靠

浪頭清

孟郊詩射鴨復射鴨鴨驚菰蒲頭鴛鴦亦零落彩色難相求儂是清浪兒每踏清浪遊笑伊鄉

貢郎踏土稱風流如何
角巾翁至死不裹頭

霽雨

匝地莓苔色轉蒼空階半月耳浪浪墨膠古瓦添新水
衣醖熏爐換好香芳草蛙聲喧處處黃梅雨脚漏牀牀
新晴野水兼天濶無數輕橈倚岸傍

水僊花

俗名金盞銀臺

薤葉蔥珩短短枝香清韻絕水為肌月明夜色玉連鎖
露冷秋莖金屈卮感托洛神曾有賦

漢武命作承露臺
立金莖銅柱作仙

人掌以承露和玉屑飲之伏羲氏女溺洛水為神曹植因有感而賦焉後為監國謁者灌均所奏品題

湘女可無詩商量恰好海棠聘月老無人為主持

夏政齋權府再舉留莆郡鎮守小詩誌喜

果然弓劍許留莆誰遣將軍酷好儒作賦重遊前赤壁
題詩一笑再元都躬親矢石勞王事手捧銅盤是丈夫

毛遂手捧銅盤招十九人日卿等碌碌因人成事坐講唐虞成底事相看摩挲

白髭鬚

雪後小牕書事

一室凌虛離世塵小牕風月足吟情空庭梅竹元冬縞
大地山河白晝明火活泉清雲乳亂灰深煙冷水沈清
投閒置散應成癖分外吾儂斷不營

蒲萄

性愛蒲萄蔭夏涼自扶短架接鄰牆金珠瓔珞星辰爛
碧樹珊瑚雨露光如琢如磨添滑膩不甘不酢帶清香
細吟馬瑙龍鬚句多謝昌黎為發揚

予暇日遊城西天泉岩遂並山而西至石室戲

作八句

石室城西五里餘，石頭路滑步崎嶇。世人自為濁惡染，

佛書五濁惡世

佛性何曾南北居。邑屋鱗鱗多布縷，

阿房賦瓦縫參差多

於週身之布縷

僧寮落落半樵蘇。暮年自會安心法，克伐都忘

怨欲無

食稜筍主人請賦

緣木求魚無後災，黃蘗未了已安排。雖非龍種胚臍出，

猶得鵝黃醞藉來。

漢書薛廣德雅有醞藉

味勝羶葷，忘禁齋氣舍。

風露奪珠胎供僧留取歸香積齋鉢終然勝芥臺

佛書維摩

遣八菩薩往衆香國言願得世尊所食之餘欲於娑婆世界施作佛事香積如來以衆香鉢盛飯與之

山家饌客富盤飧菜把終叨地主恩

杜清晨蒙菜把常荷地主恩

且

賞珍奇類魚子莫將同異別龍孫羶腥幸免黃金錯

酖終同老瓦盆

杜詩有老瓦盆

勿向朱門詫風味萬錢一任飽

雞豚

養拙戲作

閑身長向拙中養養到白頭寧不癡時好懶義西洛手

事非謾撚晚唐髭痛渠因弄巧成此老我要將勤補之
莊子云聞道雖晚而以勤補拙也 反閉柴門徑投枕世間了事付羣兒

次黃畊叟詩倡韻簡族姪秀岩居士

泉上伊誰作此亭詩成客散寂寂岩扃日經蒙悉山腰紫

淮南子曰日經于泉隅是謂高春頓于連石是謂下春言將欲瞑下蒙悉春故曰下春 黛點波斯

佛眼青淨業從渠華地種高吟喚我俗緣醒即今想像

高堂賦何日連牀款夜櫺僧梁傳法於惠可云華種曾因地從渠種華生若無人下

種華亦不能生

頌拋龐老淨名佳塵俗元無更出家青色何曾了齊魯

高標直欲接褒斜

班固左界褒斜秦谷口也
註云南則日褒北則日斜

壺中更有

神仙藥盆底從開頃刻花好是紅崖標格在不妨留與
世人誇

春晚郊行書所見

柳下經行不礙些莎平草軟綠陂斜雨餘溪澗淺深岸
門外野棠紅白花隔水明邊知晚照倚山盡處是誰家
隨他亭館春皆好擬看東鄰菓下車

後漢馮衍獻菓下
馬高三尺乘之可

於棠樹
下行

詩寄三山謬勒哲圖萬戶達魯噶齊公

疊序軒渠墨尚新每因見墨即懷人
裏瘡四戰朝無暮脫體全歸秋復春
歲月蹉跎嗟我老斗牛隱晦為誰神
篇詩少寓嗣音意布鼓雷門喜有因

呈孫僉事漳州撫諭回司

繡衣斧鉞掃欃槍

杜幾時回節鉞
戮力掃欃槍

崆峒腰鏢麥正黃瘴

地溪山初見現花時草木尚經霜
氛祲竄伏無奸猾風

憲操持有紀綱鈍筆不堪模寫力欲呈帳下倍慚惶

典畧

劉荆州曰子嘗作書欲與孫策伯符禰衡正平謂之曰言如是為但令孫郎帳下兒讀之乎將使張子布見之耶

觀薛公鶴

逸氣昂藏迥出塵薛公畫鶴儼如生

杜薛公十有一鶴低昂各有態磊落

如長人己拚勾漏丹塗頂

晉葛洪字稚川以年老欲煉丹祈遐壽聞交趾出丹求為勾漏

令帝以洪資高不許洪曰非欲求榮以有丹耳帝隨之

更費波斯黛點睛乍可使

之侍軒几不堪騎去訪蓬瀛清風動我小牕竹幾誤聽

渠憂憂鳴

斷碑

何代殘碑仆地橫難哉嗣守愧神靈莓苔剥落埋龜石

日月侵尋瘞鶴銘千古英雄雲影滅百年興廢草頭青

襄陽耆舊毋庸歎荆棘銅駝喚不醒

索靖知天下將亂指洛陽宮門銅駝

曰會見汝在荆棘中

莆田楊宰追理暢山祭田租粒奉謝

三洪舊德幾猶存

與龔音義同

興歎俄驚及雍門

雍門周以琴見孟嘗

君豈謂大田猶有稼可堪東郭已無壻斯文幸有千門

底古誼難忘一飯恩

韓信寄食漂母後封楚王都下邳召母賜金百斤史記范睢傳一飯

之德必償也

多謝彥倫知己厚

周介福其鄉人也

吹噓直欲送天閭

杜贈起居使獻納田舍人揚雄更有河東賦惟待吹噓送上天

種竹

移得霜根趁雨栽牆陰踏破一方苔
甫能引汝清風到未暇招渠俗子來
猿訝便當書案立鶴知早避釣船回
不妨更了歲寒計早晚栽松兼種梅

夏畦

自鋤荒穢種山西
荳落為萁草欲迷
六月驕陽焚赤地
一生精力悴荒畦
杞苗疎甲黃而隕
麥時麻蒸翠未齊
自笑艱難生理窄
何由得酒醉如泥
晉夏侯惇以罪廢家居治產孫會宗以書識之答以詩曰田彼南山蕪穢不治種豈一頃落而為萁人生行樂耳須富貴何時

山中逢元夕
初入方氏館

雪後連朝快放晴
料應燈火壓城闌
銀花火樹不知夜
繡轂香輪欲奪春
閨若無聞清管寂
居然相對短檠新

今年不帶元宵分月色深山不負人

首夏偶成

春光恰好便分違一眺園林綠正肥
幽草蚤關牌印出浮花遠卸轡
啣歸蛙王踞坐楚歌發蝶使行成
漢騎圍快入時粧挑闥子已將締綵
換春衣

項羽聞漢軍四面皆楚歌驚曰漢皆

已得楚乎

雪髭

計較營為百念輕獨於此事未忘情
功名不建頭顱老

日月如馳髀肉生

蜀志劉備在荊州牧劉表座上起至廁慨然流涕還坐表怪問之曰平常

身不離鞍髀肉皆消今不復騎髀裏生肉日齒儘摧殘月如馳老將至矣而功名不建是增吾悲耳

猶解嘯

晉書謝鯨鄰家高氏女有美色鯨嘗挑之女投梭折其兩齒時人為之語曰任達不已幼與折

齒鯨聞之傲然長嘯曰猶不廢我嘯歌

身無寵辱又何驚幸然見道存真

性却笑恒河數改更

啖杞菊

本草枸杞冬採根春夏採葉秋採莖實久服輕身不老一名仙人杖十歲其根

如犬

雷聲殷殷草頭青又見春風拂翠屏夜吠精神存下體

日餐功效益顏齡雪蘊細毛茶初熟鹽豉輕調酒半醒

蚤辦葛巾與芒屨明春要採首陽苓

白樂天詩不知靈藥根成狗怪得時

聞夜吹聲陸機嘗詣王濟濟指羊酪謂機曰卿吳中何以敵此答曰千里萸羹未下鹽豉

傳西疇惠詩次韻

自從時世好新粧閭閻群蛙亂草堂

昔人有時世粧詩云時世粧時世粧

城中出來

謾道衡湘師柳子

韓文衡湘以南皆以子厚為師

不聞江夏

有黃香

黃香後漢人博學能文當時語曰天下無雙江夏黃童

巨堪我老無儒術

猶幸家傳有義方未必便皆為駕說

法言學行仲尼駕說也不在茲偶乎

如將復駕其說則莫若使諸儒金口而木舌傳氏師于柳諸生好聽鐸聲揚

香篆

一木五香根旃檀節沈香花雞舌葉藿膠

薰陸又龍腦香出婆利國有婆律樹高八九尺瘦者出龍腦香肥者出婆律香與龍腦同

生一樹

塵霏婆律屑旃檀四勿潛銷宇泰寬

莊子庚桑楚南榮越至老子之所願

聞衛生之術老子云身若槁木之枝而心若死灰若是者禍亦不至福亦不來福禍無有焉有人灾也宇泰定

者發乎天光 晝几回文榮錦字

晉書列女傳符堅時竇滔為秦州刺史被徙流沙妻蘇氏

織錦為回文凡八百四十字以贈滔云

夜爐養火伏金丹

古嵩子丹砂行伏丹訣丹砂五

兩結永為砂子養火七
日為玉笋屑之為銀

啜空茗椀雲初動坐厭蒲團夜

向闌

韓詩坐厭親刑柄

俗慮湛然如止水試將心向此中安

燈傳

錄惠可謂達摩曰我心不安乞師與安師曰將心來與安曰覓心了不可得師曰與汝安心竟
險心游萬仞躁欲生萬兵隱几香一炷靈臺湛空明意思自佳
黃山谷詩云

醒酒石

廬山記陶淵明居東里有大石嘗眠其上人謂醒酒石
唐李德裕平泉別墅有

醒酒石

園林遊翫足怡神木石平泉輦怪珍

李德裕平泉庄鉛松怪石悉收致於

其狎弄杯觴輕一石

沈光太白酒樓記狎弄杯觴沈溺麴糵史記滑稽傳齊威王置酒後

宮名淳于髡賜之酒問曰先生能飲幾何而醉對曰臣
飲一斗亦醉一石亦醉賜酒大王之前執法在旁御史
在後髡懼俯伏而飲不過一斗即徑醉矣至若杯盤狼
藉堂上燭滅主人留髡而送客當此之時髡心最歡能
飲一石招徠湖海重千鈞白樂天太湖石記或淪海隅或
淪湖底高者僅數仞重者殆至
十鈞勦勦鼻息終頽玉颯颯天風為拂巾三萬六千沈醉
後未知轉徙付何人


謝林教授良佐寄油煙墨

長跪看君遺鯉書感君嘉惠甚勤渠香煤幾夜燈花落
翠色一池雲影舒詩病銷磨遇蝦蟹能起宿疾書訛編刻困

蟲魚吟成裁答無牋翰準擬揮題染素裾

張伯英善草書家之衣帛

必書而後染之



續軒渠集卷五

欽定四庫全書

集部

續軒渠集卷

六至八

詳校官中書臣孫衡

侍讀臣孫球覆勘

覆校官中書臣宋鏞

校對官中書臣范鏊

謄錄舉人臣朱錫彤

謄錄舉人臣呂日永

欽定四庫全書

續軒渠集卷六

元 洪希文 撰

七言律詩下

過寧海祖居奉題屋壁示清甫姪

聚族有百餘家

水有源流木有根三洪餘慶幸茲繁
兩家譜系同三世

百載衣冠萃一門食舊豈能忘祖德

班固西都賦食舊德之名氏食舊德

易擊鮮初不為盤飧

漢陸賈謂其子曰數擊鮮毋久溷汝也注鮮新殺之肉

留題

屋壁非無意要示兒孫手澤存傳記宋宰相三洪乃洪
遵洪邁洪适父洪皓北

使

寄所懷曲阜孔世良

淳五十三世孫迺祖孔元
敬為莆經歷表忠卿淳師

子先
人

幾欲編詩寄所思離懷病思未能奇愁雲長隔春天樹

好雨獨來秋夜池佇立支羸扶柳栗相思排憑指鳴夷

揚雄酒箴鷗夷滑稽腹如
大壺終日盛酒人復借酤問天留取千尋綆深汲終須

慰渴飢

盧仝詩轆轤無繩井百
尺渴心歸去生塵埃

賣癡獸

歲尾年頭一局碁欲拋鈍滯竟安施不龜有樂乖時好
自薦無媒莫我知非敢衒人為佞也必求賢士亦沽之

送窮乞巧皆名世叫賣癡獸未算癡

莊子宋人有善為不龜手之藥者世

以緝澣統為事客聞之請買其方百金與越人水戰大敗越人吳王裂地而封之龜音駮音義同韓有送窮

文柳有乞巧丈

腰背困倦累月四月十六夜對月需酒獨酌杯

杓逮明頗有奇効偶成一首

獨居孤憤意難忘對酒當歌且慨慷入髓無聲非浪語
到臍有効勝奇方暮年壯志豪猶在異縣他鄉氣不常
半睡半醒天欲曙盎然肢體暖如湯

韓非子有孤憤說
難等篇言孤獨而

憤悶
也

睡覺

並睡雙鳬立水湄獨拳鼎足自撐枝恬如李愬雪池夜
牢似陳搏雲岫時坦坦情知無畢弋欣欣物各有雄雌
猥香倚玉甘同夢

詩甘與
子同夢

莫與孤鸞別鶴知

陶淵明詩
知我遠來

意取琴為我彈上弦驚別鶴下弦別孤鸞
莊子畢弋之智多則鳥亂於上矣

清明遊陳氏園亭

村村花柳暗晴川百五時光過客然綠暗園林尚佳節
清明亭館自新煙喜逢熟食傳遺俗怕着新衣學少年
惆悵東欄花似雪人生底處勝樽前

書近事

振鬣長鳴衆馬瘖回思當痛若為禁世無直道深藏舌
歸擇清流重洗心雪日固無傷吠犬羽毛幸免作湯禽

非非是是無庸辯側聽林間快活吟

送學錄林良佐秩滿歸侍

冷官暖況有誰知乘興而來興盡歸薄俸儘堪供瘦馬

褐衫未必勝斑衣三年泮水芹無味八月秋風蓴正肥

紫帽翠壺纔接壤相思莫遣寸心違

宗正為冷卿以其管玉牒所衛尉為

煖卿以其管儀鸞供帳

糖霜

東蜀梓州有糖霜而廣南亦有之

春餘甘蔗榨為漿色弄鶯兒淺淺黃金掌飛仙承瑞露

板橋行客履新霜攜來已見堅冰漸嚼過誰傳餐玉方
輸與雪堂老居士牙盤瑪瑙妙稱揚

百里奚妻

間關二國鬻成絲別去齊眉豈復知飯糲已登軒冕貴
烹雌誰憶庖廚炊淒涼空作孤鸞操惆悵都忘五羖皮

寄語諸公求利達幸毋遺訕及妻兒

晉獻公虜虞公與大夫奚以為秦穆

公夫人媵奚亡走奔宛楚人執之穆公聞其賢以五羊皮贖之與語國事大悅之授以國政云

病起

不覺離群旬浹間諸生驚顧瘦藥藥浮雲蔽日身為累

止水無波心自安

晉載記云不見雀來入燕室但見浮雲蔽白日白樂天贈元微之無波

古井水有節青琅玕之句

甘寢有誰朝廢學苦吟無味勸加餐指揮

牕外閑童子戲瓦先除古井瀾

楞嚴經月光童子白佛言我作水觀室中安禪

有弟子窺牕惟見清水取一瓦礫投水我出定後頓覺心痛爾時童子來前說如上事我則告言汝今見水可除去瓦礫童子奉教入定時開門除之我從出定身即如初

題毛女像

避世逃秦去不歸見之時有獵中師飢腸所寄松為食

寒骨偏紉櫛作衣雲鬢鬅髻非寵日花容顚顚在宮時

隨風飄蕩知何限似爾操心良獨稀

列仙傳須于食栢實偃食松實

懶

何心將相與王侯放浪形骸某水丘

韓送楊少尹序歸指其樹曰某樹吾

先人之所種也某水某丘吾童子之所釣遊也

勘破世情如塞馬略同心事僅

沙鷗傾身障簾成何事

晉祖約好財既乎性好屐客有詣約正料財物屏當不盡餘兩

簾著背後以身障之或詣乎正自蠟展數曰未知一生著得幾鞵神色自若

開口飲醇良自

謀坎止流行隨所寓此身天地一虛舟

手談

金人謹嘿口三緘

家語孔子觀於周廟右階之側有金人三緘其口而銘其背曰古之謹言

也時事祇應付手談垓下騎圍知項走南陽檄定笑劉

龕

揚子重黎或問義帝初矯矯舉也初舉兵也劉龕南陽高祖取南陽項救河北二方分崩一離一合漢

圓項羽於垓下羽起飲帳中有美人和之默推攻守籌應熟坐人姓虞氏羽悲歌慷慨美人和之

閱興亡戰自酣安石此時先意會故將別墅付羊曇

心畫

周禮保氏教國子六書一指事二象形三形聲四會意五轉注六假借形聲揚子書

心畫也心畫形君子小人見矣

六書之學不流傳心畫烏知所以然依類象形求意會

左規右矩戒情遷蔡襄楷法人加敬張旭行書世號顛

心正格君須有道當年筆諫有誠懸

穆宗即位柳公權以夏州掌記入奏

帝曰我於佛寺見卿筆蹟久矣即拜翰林侍書學士穆宗問筆法對曰心正則筆正上為改容知其筆諫也

陪東泉郡公作霖料院雨登檝江水亭

我我高閣臨江渚千古驚濤拍石磯瓦棟龜魚知客至

水天霞鷺背人飛奔流電激玻瓈碎瀲灩風生杖屨微

文采風流舊朝士岳陽景物尚依依

韓退之已陵岳陽樓別賓司直庠唱

和杜詩瓦
影蔭龜魚

次周介福陳仲敷拉遊烏石山韻

聞道詩來仔細看，知君聯騎共遊山。
才高不在歐蘇下，國小難居齊楚間。
間氣不隨豪傑盡，和歌始覺性情慳。
故家天目猶無恙，何日相期執手還。

仙邑雙林溫泉與館所相距數里予老不欲往
因想像為賦高唐

鴻蒙煦氣妙氤氲，槐火潛焚脉脉新。
脫兔知非機上肉，

孫子九地篇始如處女敵人開戶終如脫兔敵不敢拒

驚魚幸免釜中鱗滌瑕要

識陰陽炭解凍能回澗谷春得似舞雩童冠日不妨也

作浴沂人

送窮

發軔祇携一束書可堪排笑有揶揄

韻作揶揄又邪揶揄注舉手相戲

得

非其道不去也贈若以文幾謫乎韓謂五窮隨暑濕柳

云六極屏荒隅賦文送逐毋庸悔獨欠款歔戲大儒

韓送

窮文柳
逐貧賦

聞杜鵑

竄伏窮荒往事非
邇來何事與心違
空山信宿歌有客

故國淒涼賦式微

詩有客宿宿有客信信注一宿曰宿再宿曰信式微式微胡不歸

芳草斷魂終惜別
嫣紅啼血欲安歸
多情何似烏衣客
盡日茅簷傍主飛

蜜蜂

閒倚闌干春晝長
遊蜂几案竊殘香
經營為國心徒赤

辛苦無官腰自黃

舊制學士以上並有一人朱衣引馬服帶用黃金而無魚入兩府則朱衣

雙引金帶懸魚謂之重金世傳館閣望為學士詩眼前
何日赤腰下甚時黃及為學士詩云眼赤何時兩腰黃
幾日重不避雨風終日出長隨潮汐兩衙忙風簷乳燕
故云

將黃口要汝充飢慎自防

家語孔子得羅雀所得皆黃口小雀曰大雀善驚難得小

雀貪食
易得

西山晚對頗爽氣偶成一首

扇搖落日漸昏黃目送棲鴉接翅忙宇宙山川明歷歷
古今賢哲迹茫茫悲歌挂笏追陳跡長嘯携筇逗晚涼
擘劃戴符錢十萬吾生從此足徜徉

晉書桓冲謂王徽之曰卿在府日久

比當相料理微之初不答直高視以手版拄笏云西山朝來頗有爽氣耳此作在於十年之前今當壽域於此可謂詩識

幽居

一向山公謝不才
悄無俗士踏蒼苔
舊書餘草風搜遍
好樹開花月送來
老境道心殊覺長
盛年客氣已全灰
虛廊徙倚無聊賴
時復呼兒貰一杯

吾廬

不競錐刀不近名
野人逸興在林垌
琴臺側畔窺明鏡

甕牖中間列畫屏扶老過鄰携鶴膝乘閒教子讀牛經

青銅三百買一斗自醉有時還自醒

劉禹錫詩沈舟側畔千帆過杜康

宜相就買一斗恰有三百青銅錢甯戚相牛經陳簡齋詩相牛豈無經種樹亦有書

東牕小酌

赤丸白壁走西東眼底兒童忽作翁楚漢果云誰得失
曹劉若箇是英雄一樽徑醉何妨我萬事隨宜但酌中
雨過前湖陂水滿披衣且去理孤篷

止酌

幾人耽酒失驕慵可怪香山作酒功

香山白居易作酒功頌

謬誤

豈宜漫殿上

東方朔傳朔因醉入殿小遺殿上効為庶人

沈酣誰遣入禪中

矢辭所見耽狂藥

晉孫季舒與石崇酣酒傲慢過度崇欲奏之衷楷謂曰足下飲人以狂藥

責人以正理不亦乖乎

重罰應須出殺童

詩抑詩由醉之言俾出童殺

自是今

朝真止矣不成世只有陶公

夜讀燒松明

晝誦何如夜誦專幸然新禁弛松煙

茂真封岐王以地狹賦薄下令推油

禁城門毋納松薪以其可為炬也有優者誚之曰臣請併禁明月茂真笑而不怒

銅盤流諸焚

膏木

香諸松瀝也出本草注東坡詩香諸流銅盤

竹簡勞形校蠹編往訓難

明前緒墜古今不死此心傳齊奴薪蠟豪相尚深院呼

盧未肯眠

石崇小字齊奴與貴戚王愷羊琇等以奢相尚以飴沃釜以蠟代薪

艾天師

端午人家或以艾為天師像置之門上以辟邪氣

飛符走墨淨妖氛誦五千言道德尊稽首星辰辭玉局

漢桓帝永壽元年益州城南湧出玉局座托身蒿艾上朱門綵絲牢繫佳人

臂短些難招屈子魂孔戶知無邪可辟治書餘暇笑開

樽

漢有治書侍御史後持書

酒熟戲作

問天吾道幾時行賣與光陰等踐更

漢書卒更踐更過更古者正卒無常

人皆迭為之一月一更此卒更也富者僱貧者月二千此踐更也天下皆直戌邊三日雖丞相子亦在調不可人代往又行者不過三日便還因一歲一更諸小杓夜不行者出三百錢入官官以給戌者此過更也

瓶寒有力大江春水滑無聲幾何鐺足需炊熟已向刀

頭卜去程却悔芸人成底事長年谷口廢兒耕

鄭子真耕於谷

口真名朴

醉鄉二首

此鄉曠蕩邈無垠土氣和平厚以醇但見八荒皆我闡

誰知四體是人身為賢為聖安時論清酒為聖人濁酒為賢人無愛

無憎樂性真莫道溫柔能益老請君擇里必親仁趙飛燕外

傳飛燕女娣名合德成帝幸合德謂為溫柔鄉曰吾老是鄉足矣不能效武皇白雲鄉

醉鄉話靶近詼諧亦有先生為此來劉伯倫酒德頌有大人先生以天地

為一朝萬期為須臾謁帝本求為酒郡皮日休詩他年謁帝言禮何事請續劉伶作醉侯

賢更要築糟臺李白襄陽歌云此江若變作春酒壘麴便築糟丘臺頌傳居易何

加矣記辱無功亦偉哉無功隋大儒王通之弟嘗作醉鄉記况值清時無

戶稅與君執手且銜盃

七月初六夜翫河漢作

星燈月燭兩熒煌上界神仙事正忙河鼓明朝開綺席
天孫今夜試新粧遙憐凡聖皆如戲或說朦朧似未詳
却笑羣兒爭拊缶鈞天豈是欠宮商

史記趙簡子寤語大夫曰我之帝所

甚樂與百神遊於鈞天廣樂
九奏萬舞不類三代之樂

莆田王主簿館予祖居未曾覲面府委游洋覆

實宿予館所小詩奉簡

山谷縈行勢似蛇藤蘿深處見人家大賢端若鸞棲棘
小卒恬無犬吠花捧檄周旋嚴所指按圖審覈斷無差
此行不至空歸去已識江州老孟嘉褚裒有器識庾亮大會州府人士孟嘉坐次甚遠裒問江州有孟嘉其人何在亮曰在坐卿但自覺裒歷觀指嘉謂亮曰此君小異將無是乎亮欣然而喜
裒得嘉

雞豚社

提要錄社公社母不食舊水故社日必雨謂之社公雨陸龜蒙詩云幾點社公

雨一番
花信風

田翁逼社喧鼓鼙携糕送酒遍東西土公志喜催行雨

鄰叟相扶盡醉泥雞唱茅茨生事足蠶眠曲箔女紅齊

漢景帝紀錦繡纂組害女紅者也董策奪園夫紅女之利問天乞得時官好隨分山

林儘可棲

朱千戶自京歸

幾年食玉桂為薪不染京華一點塵孤鴈旅懷沙漠雪

塞驢詩思灞橋春紆朱喜換頭銜舊衣錦榮歸鬢髮新

海宴河清予日望與君同作太平人國策蘇秦之楚三日乃得見王辭行

王曰曾不少留對曰楚國食貴于玉薪貴于桂謁者難得見如鬼王難得見如天帝今臣食玉炊桂因鬼見帝

王曰聞命矣
或問鄭紫詩思
紫曰詩思在灞橋雪中驢子上

辛卯春仲子鼎以銖索之貲粗營朱紫坊方僉
判舊廬為翁媼終老之計予嘉其志為賦八句

誌喜 宋咸平間

巷北巷南四十年卜居朱紫此輝聯

杜詩我居街南子巷北十日不一見

顏世途如許誰三讓吾道非邪竟九遷

史記孔子圍於陳蔡召子路而

問曰詩云匪兕匪虎率彼曠野吾道非耶吾何為於此子離羣索居已九遷矣

老屋苟安何陋

有穉孫雖晚亦欣然問天但乞身强健餘事都拈在一

邊

傳孫辛卯二月初六日巳時生

甲午九月病中聞廣化寺為贛泉賊人所殘枕

上書事

烽火連年膽氣摧張天飛焰盡始煤從來岐路多悲泣

楊朱望岐路而悲可以南可以北

似此禪宮亦劫灰群醜儘多髣面去

渠魁更看斫頭來又添一樣新人物韓信張良豈異哉

望月

百年鼎足又逢秋欲掩西牕更少留要看蛾眉圓似鏡

絕憐兔魄曲如鉤豪來捉海供吞吸醉後呼天共唱酬

更待一輪光滿夜重攜醺醪上南樓龍城錄魏左相能治酒其名有醺醪

翠濤常以大金罌盛十年味不敗太守常賜詩醺醪稱蘭生翠濤過玉蕤十年醉不醒十年味不敗

武帝百味旨酒

竹鼈

未讓鴟夷說滑稽滑稽言是若非亂異同也便捷之人言非若是

夷滑稽腹如大壺常為國器托於屬車東坡詠竹鼈云鴟夷讓圓滑渾沌漸瘦矣生於野徑雜

山蹊香肌圓滑西施乳膏腹彭亨仲穎臍九死不辭羞

几肉離騷亦余心之所羨

一生無負飽茅羹回思食鴈

有何好笑殺將軍識自低

度遠將軍皇甫規解官歸安定鄉人以貨得鴈門太守亦

去職還家書刺謁見規卧不迎既而入問曰卿在郡食鴈美乎有頃吏又白王符在門規素聞符名乃驚懼而

起衣不結帶屐履出迎援手而還坐極歡時人為之語曰徒見二千石不見一逢掖言書生道義之足貴也

春晚同數客遊靈巖廣化寺書所見

塔外青山匝四圍澗邊流水繞松扉白雲一塢僧長住

紅杏數枝春漸歸雨足人牛耕曠野山深鳥雀弄晴暉

長廊響屨皆明禁口自忘言心自非

客中過重九

半百光陰似箭催，瘦筇那更陟崔嵬。
幸然白髮饒人得，

遮莫黃花趲客開。擬把琴書先擺撥，
不妨詩酒恣裴徊。

陶兒自可簞輿舉，莫管王宏來不來。

陶潛傳九月九日無酒宅邊有菊採

之盈把坐其側久之望見白衣人至乃宏送酒便就酌酒醉而後歸

辛卯營郡西壽域二壙小詩誌喜皆仲子之費

遂良鬚鬢久成翁，大塊勞形一夢中。

褚河南帖云遂良即日鬚鬢盡白

莊子大塊勞我以生而佚我以老

山費已償錢百萬

戴符嘗乞買山錢于于頔頔與百萬

南史王秀之為晉平太守期年便求去曰吾山資已足豈可久妨賢路墟聲只隔瀼西東

瀼水在夔州奉節縣楚俗謂水之可涉者為瀼杜詩瀼西瀼東一萬家甫嘗居瀼西後復居瀼東云浮名

何有卿郎異

宋璟傳嘗宴朝堂張列三品璟階六品居下座易之詢事璟虛位揖曰公第一人何

下座璟曰才劣位卑卿謂第一人何耶是時朝廷以易之等內寵不名某官呼易之五郎昌宗六郎鄭善果謂

璟曰公奈何謂五郎為卿璟曰以官大覺須將旦夜同

正當為卿君非其家奴何郎之有

村校覲然猶不愧三洪

聽賈婦琵琶

四絃無語掩胸彈紫錦雙條淚未乾心促不調絃索慢
指柔欲控琵琶難酒船屢換春酣宴銀燭高烧夜向闌
欲問烏孫有遺譜惜無賢者仕伶官

樂譜琵琶有轉闌六么薄索梁州等

曲皆其名也

洪客齋隨筆載樂天以司字作入聲讀

四十着緋軍司馬男兒官職未蹉跎一為軍司馬三見

歲重陽又以相字作入聲為問長安月誰教不相離相
字自注云思必切以十字作平聲在郡三百日入山十
二回又綠浪東西南北路紅欄三百九十橋是也以琵琶
作入聲四絃不似琵琶聲亂寫真珠細撼鈴忽聞水
上琵琶聲是也朱褒亦有絕句云昨日施僧裙帶上斷
腸猶帶琵琶絃唐人亡者遇七日則以魂衣施僧云楊
妃琵琶以邏逆檀
為槽龍香板為撥

張錄事克明席間賦墨梅

凍裂孤山雪作堆，招魂短些待誰來。
無文與可烏知月，有楮先生合伴梅。
疎影蚤知爭膾炙，素衣應悔染塵埃。

新歡已飽張侯德，佳句誰堪共謝裁。

前賢詩有便無文與可不有月傳神

之句

姜侯德見杜集

姜少府設鱸詩

陸士衡京洛

多風塵素衣深為縉

謝朓詩誰能久京洛縉塵深素衣

豈粥

南山收併兩三區，食力無慚供曉鋪。
甘味加飴滑似瀝

香粳勝玉輓如酥季倫方法咄嗟辨石季倫作荳粥

荳客至但煮白粥方法見杜詩文叔艱危頃刻蘇後漢馮異傳字公孫

南馳晨夜草舍至饒陽蕪蒹亭時天寒冽衆皆飢寒異上豆粥明旦光武謂諸將曰昨得公孫豆粥飢寒俱解

至南宮遇大風雨光武卧車入道傍舍異抱薪鄧禹大爇火光武對竈燎衣異復進麥飯渡潯沱河至信都

杓吾儂分口數熙熙鼓腹恣歡呼

暑雨

炎赫難堪暑氣裨令人嘖蹙廢加餐驕陽故作三秋熱
甘澤能令六月寒溝澮悵焚皆蕩滌川原霖霖免焦乾

一番涼思來牕几贏得披吟到夜闌

橙

黃甘陸吉未經霜喜見團圓關寸黃任土不隨淮海貢

開苞便壓洞庭香侑樽頓覺杯盤爽薰袖偏宜篋笥藏

實在南州成底事金門早入近恩光

杜詩後於桃李
熱終得近恩光

書倭人摺疊扇

異域憎憐或不通云胡寒暑此心同卷舒默寓行藏意
繪畫深知采色工范筆何妨書大暑規塵莫遣汙清風

晉王導傳王導與庾亮俱相晉而亮獨專權朝廷導心惡之導每遇西風起嘗以扇障面曰元規塵汚人亮字元銀光倘可求番幅溟漲堪供筆力雄

黜官書以誠世

未會羊腸世路艱居家那得比居官布衣差勝軒裳好食祿何如田畝安狹世出門如有礙達人當道但從寬

前修法語君知否留取功名久遠看

後漢逸民傳劉表謂龐公曰先生苦

居畝畝而不肯官祿後世何以遺子孫曰世人遺之以危吾獨遺之以安未嘗無所遺

唐書陽城為道州刺

史以家人法待吏人宜罰者罰之宜賞者賞之

林提舉子木序子軒渠續集小詩奉謝

飽飯曾聞細和陶續鳬斷鶴笑徒勞

莊子駢拇鳬脰雖短續之則憂鶴脰

雖長斷之則悲 斲輪幸有家傳在

莊子天道齊桓公讀書於堂上輪扁斲於堂下扁曰臣也

以臣之事觀之徐則甘而不固疾則苦而不入不徐不疾得之於手而應之於心口不能言有數存焉於其間臣不能以喻臣之子臣之子亦不能受 斲輪 斲統爭如水戰

高 手之藥者世世以泝泝統為事客聞之請買其方百

金聚族而謀曰我世世為泝泝統不過數金今一朝而鬻百金請與之客得之以說吳王越有難吳王使之將冬

與越人戰大敗越人裂地而封之能不龜手 魏勃勇人一也或以封或不免於泝泝統用之異也

猶惴慄

前漢灌嬰聞魏勃本教齊王舉兵使使召責勃勃曰豈有人家失火先召大人而後救之因退

立而戰慄嬰視勃曰麻姑妙手若爬搔神仙傳王方平人言勃勇庸妄人耳

麻姑而至經見麻姑指爪長心自念得以爬背為佳方平已知之怒其凡也乃輒如此遂呼鞭空中擊之曰吾

鞭不妄施意令悔過也杜牧詩韓自憐曹檜成邦陋

詩杜集愁來讀似倩麻姑癢處搔

檜羔裘素冠隰有萋楚匪風四詩曹蜉蝣候人鳴鳩下泉四詩前賢詩君如大國楚吞五湖三江我詩如曹檜

淺陋不成邦深辱明公一字褒公羊傳序一字之褒寵甚於華袞之贈

壬辰冬十一月官築城垣罷吏梁賊者起衆墳石而築之將西山十八大夫墳西畔國諭公墳

開穴見棺訟之于路呈諸郡公

壬辰乃元順帝至正十二年

卜兆城西二百年雍門興感涕潜然

桓譚新論曰雍門周以琴見孟嘗君

曰臣竊悲千秋萬歲後墳墓生荆棘狐兔穴其中樵童牧豎躑躅其上而歌行人見之悽愴曰孟嘗君之尊貴

如此如此乎孟嘗君謂然歎息淚下承睫時人悲之 凄其死者無歸地羞與讐人

共戴天

記曲禮父之仇弗與共戴天兄弟之讐不反兵交遊之讐不同國

古塚亨衢多

取石單民弱戶亦科錢國朝典制明如鏡願賜推恩及

九泉

呈袁經歷

陰主其事

公道權衡執法平穴人墳墓事非輕水丘盡是釣遊處

韓送楊少君序楊侯歸指其樹曰某樹吾先人所種雨也某水某丘吾童子之所釣遊也以不去其鄉為法雨

露寧無悽愴情記祭義風雨霜露必附勢假威從計得

史百獸畏虎非畏狐也非揚眉吐氣待時清李白與韓

畏昭奚恤畏楚王甲兵也揚眉吐氣待時清
李白與韓
云何惜階前盈尺之地不使山禽謾不知人事句句哥

哥怎解行

梁賊為郡公所榜擊郡士庶咸稱快焉仍令重

新墳墓以杜其詞小詩誌喜示諸子姪輩

郡公馮怒迅雷振

東都賦馮怒雷振音平征

榜擊姦克見若神幾世

鍊形遭一厄

酉陽雜俎載有掘地遇石函發之見人方偃仰容色如生須臾振髮而起即失所在

方士云此太陰鍊形人也

百年真宅要重新

滕公夏侯嬰嘗駕至東都門馬悲鳴踏地得石

柳有字曰佳城鬱鬱三千年見白日吁嗟滕公居此室

雲仍忍辱甘藏舌父子銜

冤獨奮身周魯他年拜前後庶幾無愧塚中人

公羊傳曰周公

何以稱大廣于魯封魯公以為周公也周公拜乎前魯公拜乎後爾雅子之子為孫孫之子為曾孫曾孫之

子為玄孫玄孫之子為來孫來孫之子為弟孫弟孫之子為仍孫仍孫之子為雲孫註云輕遠如浮雲也

甲午再經理井亭室自朱紫荆扉且移居城南

壯無尤怨老無嫌贏得鬚眉白雪添栗里石田蕪穢久

東屯茅屋往來蕪

陶歸去來辭田園將蕪胡不歸杜
移居東屯茅屋往來皆茅屋淹留為

稻畦

時方多事蛇添足

史記陳軫見楚昭陽曰人有遺
舍人一卮酒舍人相謂曰畫地

為蛇蛇先成者獨飲之一人曰吾蛇先成吾能
為之足人奪之曰蛇固無足今為之足非蛇也

老甚無

能免失失間里況逢飢饉歲盡鹽麩糲也應甜

韓詩免
尖針莫

並

藏舊扇

憶昔相從懷袖中炎雲烈日與君同不曾少變羅紋色

為有深藏篋笥功，覲面再逢君子日。
傾心時有故人風。

誰云憔悴羞相見，請問相如頭白翁。

司馬相如將聘茂陵，姜文君作白頭。

吟以自絕，相如感之，乃止其畧。云清如山上雪，皎如雲間月。聞君有兩意，故來相決絕。平生共城中，何曾斗酒會。今日斗酒間，明日溝水頭。踈踈向溝上，溝水東西流。

幽蘭

芳草推蘭作長雄，長身大葉聳叢叢。
崑崙瓊樹風搖碧，勾漏丹砂露滴紅。
屈子手紉曾作佩，淵材鼻塞曷由通。
僧名淵材，前賢詩云：淵材無鼻孔，信道無香。雖非桃李春風面，名在離騷九

晚中

輓方學錄若梅

與內子合葬

五十餘年一夢新慈親哭因若為情壻身本是王郎子

太平廣記王仙客幼寄舅家唐劉振之甥也舅女曰無雙皆幼穉戲弄相狎時愛憐之振妻常戲呼仙客為王

郎子

宅相終期甯氏甥

晉魏舒字楊元少孤養外家甯氏甯氏起宅相宅者云當出貴

甥外祖母以盛氏甥小而慧意謂之舒曰當為外家成此宅相

豈意悲風生玉樹好攜

明月看蓉城

詩話石曼卿卒後今人見之者恍惚如夢言我今為仙主芙蓉城欲與其人遊不得

飛去

封胡羯末皆能世人道寒梅復著英

晉謝氏一時彥秀封

謝韶胡謝朗羯
謝元末謝川

喜八同知自溫陵回治

卿雲又迓使君車

卿音慶

和氣相傳藹八壺怪底歡聲出

芒芴

莊子芒乎芴乎無有象乎注造化生物恍惚芒昧音荒忽

從來善政敏蒲蘆雲

旗獵獵空機杼雷鼓鼙鼙櫟路衢千里耄倪都感德也

蒙色笑及吾儒

陳畊道先生任廣南恩平巡檢再調韶州案牘

甫士夫贈語盈軸書于卷末

紛紛海氣接朱垠

班固東都賦北動幽崖南耀朱垠注朱垠南岸

南望宣溪自

此分

韓詩韶州南去接宣溪雲水蒼蒼日向西

甫也諸侯老賓客

杜詩廣云霸

尉舊將軍

前漢李廣傳

煮茶又吸韶陽水拈酒長懷日暮雲

杜春日

留與鄉人作佳樣好持赤幟植斯文

送莆田原道公赴漕司經歷

唱徹陽關酒滿斟以言為贈意彌深盡將學道愛人意

散作推誠事長心白草青煙知起竈

杜詩汲井歲滴滴出車日連連函中

草本白青者官鹽煙紅蓮綠水聽鳴琴弊車羸馬真消息此語名

賢傳至今

輓仙邑陽山張處士

林提舉子木誌其墓

勤於生事儉於身
姍睦同宗靡間親
亟返圭田存伏臘
慣分鯁粟活鄉鄰
人將競睹燕山桂
天不愁遺莊氏椿
遠寄西風一掬淚
為君洒向素車塵

丁酉自壽

每笑王衷廢蓼莪
劬勞子職合如何
年過絳縣垂垂老
日伴青州皓皓歌
懶學時粧隨世好
厭將老眼閱人多

祝天海宴河清了子父熙熙安樂窩

左傳絳縣老人曰臣生之歲正月甲

子朔四百四十五甲子矣師曠曰七十五年矣休詩一瓶一鉢垂垂老萬水千山得得來桓溫有主

簿善別酒味好者謂青州從事青州有齊郡飲好酒者直至腹臍惡者謂平原督郵平原有鬲縣言至鬲上住

也時世粧云時世粧時世粧城中出來傳四方漢蓋寬饒視屋而歎曰如此傳舍閱人多矣

糖霜

瓮豆鮮明透水晶南州氣煖體寒凝甘香遠敵漢宮露
清冽難為凌室冰齒頰一時增爽快襟懷六月解炎蒸
玉環昨夜方中酒渴肺相逢喜可勝

次韻貫齋萬戶

輿疾抵莆三閱月有孤

憤之作

四序榮枯春復秋人生底處獨無愁班班忠孝有如此
衮衮公侯來未休鵷鳳固宜拋腐鼠族良未始見金牛

凌烟正觀多勲舊萬古箕山一許由

唐太宗正觀中圖功臣二十三人凌

烟閣上貫齋寄棄官為道士後漳江有警息帥閩令出征抵莆喑嘿不能言

新秋客中

一望澄江欲盡頭鄉關斷絕使人愁江山遼邈英雄老

河漢微茫天地秋，蛩助吟聲風淅淅。
鴈傳客信水悠悠，眼前有句懷王粲。
煙樹重重倦倚樓。

呈盧照磨

元統間歷仙遊教諭又歷泉州教授

博士三年坐絳紗，諸生館下論無譁。
禮羅溫石得名士，

韓送河陽節度烏公序

官族崔盧是世家

詳見朱陳村詩註

瘦馬重來暗

舊路綠池晚對，冒朱華

曹子建詩

自憐不俊淹廊廡，獨抱遺

經閱歲華

贈徐邦獻館吳塘東道主郭氏

奎星絢爛燭天明喜子韶年見太平蠶繭紙中留墨蹟
沈香火底著書聲竹風拂席吟懷暢梅月橫牕客夢清
特起詩書欣有托令人慨歎憶徐卿

謂徐尉文仲
嘗從先人游

送林信玉館仙溪

祖父通家道本同夜牕燈火往來通聯登桂籍芳猶在

初筮桐鄉愛未終

前漢朱邑字仲卿病且死屬其子曰
我故桐鄉吏其民愛我必葬我桐鄉

後世子孫奉嘗我不如桐鄉
民其父嘗為仙溪尉故云

我老斯文猶可與子行吾

道已云東為言坎井偶然耳否泰相仍豈有窮

庚子兒生孫倫小詩誌喜

庚子丙戌
甲子丙寅

年過八袞壽耆頤喜氣重重我自知鶴髮滿簪留老眼
龍鐘扶杖看孫枝山川氣數時當復父祖詩書澤未衰
異日成名身外事且呼樽酒且吟詩

自和生孫韻

鶴誕須觀胎化時長鳴戛戛九臯知瑞莫恰好開千葉
仙桂初看放一枝意有可人供一笑髮無到耳未全衰
挑燈更作蠅頭字自和生孫誌喜詩

杜詩白頭亂
髮垂到耳

小孫倫試晬戲贈八句

仙桂飄香淨灑塵天風吹下玉麒麟詩書固是吾家事
門地無慚汝後人义手低頭長作揖挽鬚坐膝孰能嗔
祝倫長大破萬卷獻賦當為席上珍

禮史儒為席上之珍以待聘

壬寅冬十一月誕次孫阿任小詩誌喜

二難兄弟未嘗無願祝兒孫善友于共羨明珠生老蚌
尚容餘齒看於菟詩述好懷呈佛出酒逢佳客向鄰酤
亟喚陟釐濡葛筆便書樂論付官奴

本草陟釐陶隱居云此即南人所用

作紙者唐本註云此物乃水中苔今取為紙音陟釐與側黎相近側黎又與側理相近又云即石髮也周錢法書苑云王獻之字子敬羲之第七子五六歲時學書義之從後掣其筆不脫歎曰此兒後當有大名遂書樂發論一篇與之後題云書賜官奴宣州諸葛氏能作筆柳公權求之不能用惟王右軍能用之故世有曰非右軍不能用諸葛筆也東坡云宣州諸葛氏筆擅天下其間不甚佳者終有家法官奴子敬小字十一月廿三日卯時八字壬寅甲子甲子丁卯

續軒渠集卷六